



Communicaziun a las medias

Midadas en la direcziun dal Fond svizzer per la cuntrada (FSC)

Andreas Aebi daventa il nov president dal Fond svizzer per la cuntrada

In nov presidi per il Fond svizzer per la cuntrada (FSC): il Cussegl federal ha tschernì sco nov president Andreas Aebi, cusseglier naziunal PPS partint e pur dad Alchenstorf (BE). Aebi succeda il 1. da schaner 2024 a Verena Diener. Per cumplettar la cumissiun FSC cun ses otg commembers actuals ha il Cussegl federal tschernì quatter novs commembers per la perioda d'uffizi 2024-2027: Martina Brennecke (Cham ZG), Regula Geisser (Son Gagl SG), Lukas Merkelbach (Therwil BL) e Sascha Pizzetti (Mesocco GR).

La cumissiun FSC è in organ directiv da la Confederaziun che conceda contribuziuns finanzialas a projects per mantegnair, valurisar e restabilir cuntradas cultivadas en accord cun la natira. Las basas legalas e finanzialas ha il Parlament federal concludì a chaschun da las festivitads per il giubileum da 700 onns Confederaziun e silsuenter confermà ellas pliras giadas avant che las segirar ultimamain fin l'onn 2031.

Ils quatter novs commembers da cumissiun remplazzan Hansjörg Hassler (Donat GR), il vicepresident dal FSC, Andreas Stalder (Berna BE), Edwin Huwyler (Wilten OW) e Regula Ott (Cuira GR). Il Cussegl federal ha prendì per enconuschientscha lur demissiuns dal gremi directiv dal FSC ed ha il medem mument confermà en lur uffizi ils suandants otg commembers da cumissiun:

- Raphael Aeberhard, Ennetbaden AG
- Caroline Beglinger Fëdorova, Täuffelen BE
- Sophie Chanel, Gollion VD
- Brigitte Decrausaz-Zufferey, Sion VS (enfin la fin dal 2026, limitaziun dal temp d'uffizi)
- Victor Egger, Fontenais JU
- Rachele Gadea-Martini, Maggia TI (enfin la fin dal 2025, limitaziun dal temp d'uffizi)
- Joggi Rieder, Frauenfeld TG
- Thomas Stirnimann, Emmenbrücke LU

Nov president da la politica e personas dal fatg

Cun Andreas Aebi survegn il FSC in pur da gronda experientscha sco president. El dispona d'in satgados bain emplenì e d'ina vasta rait da contacts ed è s'engaschà sco politicher cun corp ed olma per il rinforzament dal spazi rural e quai durant blers onns. Sco president dal Cussegl naziunal ha el avischinà in a l'auter umans da la citad e da la champagna. Il nov president dal FSC è in ornitolog entusiaschè che presidescha era l'uniun Vogeldorf Alchenstorf. Quella sa stenta da promover ina selecziun da spezias d'utschels en l'agricultura ed en ils abitadis e contribuescha uschia al rinforzament da la biodiversità en quests territoris. «Jau ma legrel fitg sin mia nova incumbensa tar il Fond svizzer per la cuntrada!», di Andreas Aebi suenter sia elecziun tras il Cussegl federal. «Cun mes engaschament a favur dal FSC – e cun quai per las cuntradas da la Svizra – vi jau avischinar ils umans en noss pajais in a l'auter, surmuntar foss e stgaffir valurs comunablas.»

Ils quatter ulteriurs commembers da la cumissiun FSC èn persunas dal fatg cumprovas cun experientscha pratica sur blers onns quai che pertutga projects da cuntrada:

- L'architecta da cuntrada **Martina Brennecke** ha manà bunamain dus decennis la partiziun Natira e cuntrada en l'Uffizi per la planisaziun dal territori dal chantun da Zug. En questa funcziun ha ella sviluppà tranter auter il mussavia «Gestaltung von Bauten und Anlagen ausserhalb der Bauzone». En pli è ella s'engaschada durant blers onns sco suprastanta da la Conferenza da las persunas incumbensadas per la protecziun da la natira e da la cuntrada (CIPNC).
- La songagliaisa **Regula Geisser** utilisescha sco architecta materialias naturalas ed integrescha l'ecologia en sias planisaziuns. Regula Geisser ha concepì sco autura principala il maletg directiv «Grünes Gallustal», l'avegnir da la citad da Son Gagl sco lieu urban cun gronda qualidad da viver per uman e natira. Il FSC ha sustegnì quest project en il rom da sia promoziun sistematica d'avischinaziuns innovativas.
- Cun **Lukas Merkelbach** da Therwil, Basilea-Champagna, survegn la cumissiun FSC in biolog champester fascinà tant da la natira sco era da cultiras veglias. Sco proprietari d'in biro ecologic s'engascha Lukas Merkelbach surtut en la Svizra dal Nordvest per il mantegniment e la promoziun effectiva d'ina natira e cuntrada diversa che sa distingua tras sias caracteristicas regionalas.
- Sco inschigner forestal descriva **Sascha Pizzetti** en il chantun Grischun tranter auter territoris en connex cun la protecziun da la cuntrada en la regiun Moesa e definescha las finamiras da protecziun e svilup necessarias. En pli ha Sascha Pizzetti rimnà en il rom da ses engaschament per ils parcs Val Calanca ed Adula (qua sco vicedirectur) experientschas detagliadas en il sector da la communicaziun.

Il Fond svizzer per la cuntrada – in'istorgia reussida

Il nov president dal FSC Andreas Aebi entra ensemen cun la cumissiun FSC renovada e cun il personal stabel dal secretariat a Berna en possess d'ina ierta prosperaivla. El surpiglia il presidi da Verena Diener ch'è stada – suenter in onn sco vicepresidente – dapi il 2017 a la testa da l'instrument da promoziun federal independent da l'administraziun. Dapi sia fundaziun l'onn 1991 ha il FSC concedì var **3050 contribuziuns** a projects per gronda part locals u regionalas en tut las cuntradas dal pajais ed impundì uschia **167,6 milliuns francs** per tgirar cuntradas cultivadas en accord cun la natira. Durant il temp d'uffizi da Verena Diener èsi stà pussaivel da persvader il Parlament federal da mantegnair il FSC per in ulteriur decenni (2021-2031). Sut ses presidi è la pratica da promoziun vegnida averta levamain – en spezial cun la tshertgar avischinaziuns innovativas e lantschar l'accent da sensibilisaziun e promoziun «Focus FSC Agroselvicultura».

Berna, ils 24-11-2023

Ulteriuras infurmaziuns: www.fl-s-fsp.ch

Franziska Humair. Manadra secretariat / incumbensada d'infurmaziun
031 350 11 54 / 079 724 65 29 / humair@fl-s-fsp.ch